

1
1

Polonia,
Lida, 26.X.1924

R. H. ...

Vere Honorato Domino Professore et Caro Praesidente,

Cordiale gratias pro epistulas de 11. IX., 22. IX.,
27. IX. et 9. X. - Causa examines me non scribe ad vos
usque hodie plus longo littera.

In idem tempore me mitte ad vos manuscripto
de N^{ro} 2 de "Revista Universale" pro benevolo publica-
tione apud Stabilimento Grafico Foà in formato et
volumine identico ad numero praecedente.

Secundum vostro desiderio, expresso in epistula de 9/X
me adde in frontispicio de periodico: "organo de Ap^o"
et "gratis ad socios de Ap^o"; Ut primo articulo, me
publica annuntio super historia, statuto, programma
et directione de Academia. Me adijunge etiam arti-
culo de consocio W. M. Kozłowski, translato ab me in
Interlingua - me precia vos de corrige isto translatione
nam sue pnta quod illo contine errores.

In idem tempore me scribe ad consocio Prof. A. Pastore
ut illo mitte ad vos suo articulo pretioso super
lege de Fechner-Weber.

Si volumine de Revista [16 pag.] non es sufficiente
pro publica omne articulo "in extenso", me precia vos
de divide articulos de S^{re} Kolovrat et de Prof. Pastore
in duo parte - altero parte de aubo articulos vol
es publicato in N^{ro} 1/II (1925)

Es evidente quod publicatione de "R.U." in Italia
 es pro me vere incommodo - causa correspondentia,
 transmissione postale de manuscriptos et de
 numeros impresso ^{nec non} de pecunia.

Me jam scribe ad vos quod es impossibile ad me
 de publica "R.U." in Polonia, nam 1500 exemplares
 habe pretio de 1500 franco helvetico (!!)

Multo et cordiale gratias pro contributione
 pecuniario ad meo publicatione, et etiam - in
 majore gradu - pro vostro benevolentia cum que
 vos fer auxilio ad me in corrige de probas etc
 non in negotiationes cum typographo.

Cum gaudio me pote communica ad vos
 quod Revista cape uno fautore novo de Interlingua

Prof. viri. F. S. Donnan scribe ad me ex London,
 23 Hobwin Square, N.C.1 : Recently I was
 in Canada and there I had the great pleasure
 of meeting Prof. Beauvo at the University of Toronto.
 I observe that you employ the simplified Latin
 of Beauvo. At one time I was in favour of Ido,
 but I now think that the idea of Beauvo is the correct
one. your proposal [de cursu de H. de Il.] is well
 worthy of University recognition and help.

4 Me precia vos de adde nomine de Donnan in
 tabula ^{de} professores enumerato in meo articulo
 super Cathedra pro H. de Il.

Collaboratione de Consocio Basso es pretioso ad Revista - me scribe ~~me~~ charta postale ad illo et ad Hartl et Meyersmanns in ce materia.

Me puta quod es inutile de disperge fortias pro publica plure periodico in Interlingua: meliore es publicatione de uno periodico sed bono.

Socio Koxłowski scribe ad me quod vol procura ad Revista novo collaboratore: Sleszyński, prof. univ. Kraków, noto mathematico; etiam ipso vol contribue ad periodico per articulos scientifico.

5 Numero de exeuplares de N^o 2 R. 21. depende ab solo vostro decisione; pro me suffice 150 exeuplares pro singulo auctores (Kolovrat, Koxłowski, Pastore) autem 30 [tres decem]

Me age ad vos sincero gratias pro fasciculos de Discussiones: me nunc habe completo de illos et pote cum satisfactione stude historia de "latino sine flexione" ex fonte.

Vos fore ad me maximo et inexpectabile honore per mentione super possibilitate de fi Directore de nostro caro Societate. Me non pote responde ad vos in alio modo quam: utinam vos vive per longo annos et due Academia ad victoria de idea de L. J. utinam nos vide tempores in que Interlingua es objecto de studio in omne scholas medio in toto mundo.

6 Me vol es multo grato ad vos si vos benevolo explicita
ad me pretio de vita in Torino [parvo
camera, alimento, 3x in die, et omne parvo expensu:
trouways, etc.]

Cordiale salutationes et expressiones
de meo alto respectu

vestro sincero devoto

Jenievski

P.S.

Omne novo abkomato ad "Revista" aut novo socio
de Apr, que scribe ad me, pote obtine №1 separa